



## SIARAN AKHBAR

### AKTIVITI AMBD GIVES BACK TO SCHOOL

#### OneCity Shopping Centre Bandar Seri Begawan

---

1. Autoriti Monetari Brunei Darussalam (AMBD), dengan kerjasama pihak OneCity Shopping Centre, baru-baru ini telah mengadakan Aktiviti '*AMBD Gives Back to School*' bagi murid-murid Sekolah Rendah Batu Marang
2. Aktiviti ini adalah merupakan salah satu inisiatif tanggungjawab sosial korporat yang diungkayahkan oleh pihak AMBD dengan tujuan untuk menyantuni dan membantu seramai 15 murid-murid Sekolah Rendah Batu Marang dengan membekalkan barang-barang keperluan sekolah bagi persiapan persekolahan 2020. Pada masa yang sama, para murid juga diajar untuk berbelanja secara berhemat mengikut belanjawan yang telah ditetapkan.
3. Acara tersebut telah dihadiri oleh YM Dayang Hajah Noorrafidah binti Hj Sulaiman, Pemangku Pengarah Urusan AMBD, YM Awang Mardini bin Haji Eddie, Pemangku Penolong Pengarah Urusan, AMBD serta para pegawai dan kakitangan AMBD. Turut sama hadir ialah pengetua, guru-guru, murid-murid dan ibu bapa Sekolah Rendah Batu Marang. Para murid telah dibawa berbelanja untuk membeli barang-barang keperluan sekolah dan seterusnya beberapa murid telah diberi bantuan khidmat pemeriksaan mata dan seterusnya, menerima kaca mata yang ditaja oleh AMBD.
4. Program tersebut diakhiri dengan penyampaian sumbangan buku-buku sekolah kepada pengetua dan murid-murid Sekolah Rendah Batu Marang oleh YM Dayang Hjh Noorrafidah binti Hj Sulaiman, Pemangku Pengarah Urusan AMBD dan YM Awang Mardini bin Hj Eddie, Pemangku Penolong Pengarah Urusan, AMBD.

**Autoriti Monetari Brunei Darussalam**

Ruj: AMBD/COMMS/3

Tarikh : 17 Jamadilawal 1441 / 13 Januari 2020